

帝真形名曰无常童子安在兆身内外洞徹
炎光内發匪體通熱仍叩齒九通祝曰

九晨迴顛隱化无方洞天九元斗中真童炎
光玄映布溢紫房千變萬化易景與象隨意
所之出有人無得乘八景上謁帝皇畢嘔氣

九過止

此帝君九陰化形隱景之上經中央黃老君
南方赤精君東方青童君北方太上君西方
太素君並迴九陰以散形運九辰以匿軀擲
飛輪以登空乘玄霄以遨遊縱景萬變隨世
沉浮若兆行之三光同休

上清化形隱景登昇保仙上經

經篇同卷

上清迴耀飛光日月精華上經

上清素靈上篇

上清迴耀飛光日月精華上經

太哉七寶宮

自然生蓮華

焯焯開夜光

恍惚暉神家

仰觀玄真臺

雲樓鬱差我

派煥曜玄空

微丘摧萬魔

拔苦罪難中

積却芳嬰牙

讚誦度七祖

積福德所和

太妙出神輝

无形寂无影

遼蕩无界外

豁然普濟往

舉度七玄苦

寥寥豁長靜

拔涉五苦津

應感乘雲上

燈王徹十方

冥勝无不明

赫赫玄真臺

煌煌映十方

寥寥寒關釋

難衆身潛通

七祖三途解

无復憂惱中

明玉

稽首禮燈王

我為海船師

夜光通幽谷

虛煙散八極

禮誦无上教

飄飄結落通

三素生影雲

洞觀極十方

飛輪揭太空

蹤落任飛輪

披褐詠夜光

罪福无定起

積功苦不多

歸命无為道

煥爛明光暉

赤輝絕冥外

摩摩觀十方

屢我玄真變

明燈叩瓊鐘

一觀洞三寶

度名東英管

故能度三歸

身心洗蕩開

朗照入太微

福慶何難覓

窈窕滿八丘

虛光照太无

逍遙散苦憂

无形亦无跡

蕭蕭入冥窈

諸天來降錫

近自由人身

晨夕建福田

終當體至真

朗徹无幽邊

福降積禍還

普濟一切人

携手攀玉符

應響已入无

釋我積世幽

遷延七寶宮 迴輪曲嶽阿
 息加綠蓋房 豈知年歲多
 口漱金液精 積椿始嬰華
 下者榮鏡中 不解可如何
 玄輝映曲谷 豁朗徹淵泉
 映派鬱交朗 纏繞玉京山
 七祖反胎生 超昇入无間
 翦鶴亭空曜 鬱勃入太清
 天符左右夾 迴輪歸南傾
 恍惚九載外 暫起不啟靈
 七祖獲胎仙 南宮更受生
 飛輪謁空洞 眇觀千百切
 理悟齊一感 五煙吸然散
 身體輕无為 四朗應景判
 地獄三惡道 悉得脫籠難
 嘯歌九玄臺 崖嶺湫湍津
 心醒六覺暢 日弃塵濁紛
 流霞耀金室 虛室散玄熏
 精感致靈降 形單道亦分
 儵歎躬萬劫 豈覺周億椿

秀園蔚神階 朱瓊耀紫庭
 流風鼓空洞 玉角騎虛鳴
 紫煙纏曲宇 丹暉繞綠軒
 飛精鬱玄蓋 羽節耀太清
 澄景九齊際 遨遊戲風城
 迴浮五嶽嶺 縱繼墉城阿
 仰觀玄真門 雲樓鬱嵯峨
 香迴繞宮殿 明燈讚靈歌
 項生日月光 歸命燈王經
 豁落徹八極 蓮華從是生
 龍王含海水 故能漱香瓶
 梵志受是頌 因得登天生
 人王受是經 壽同萬億齡
 福延及七祖 无復憂惱嬰
 後生无量因 世世尊賢貞
 三條別頌 出南極紫元夫人歌
 玄波振滄濤 洪津鼓萬流
 駕景躬六虛 思與真人游
 妙唱不我對 清音无誰投
 雲中騎瓊輪 執為塵中傳

白雲合靈景 構翳入太微
 綠轡總羽輪 翠蓋逐風迴
 金闕開玉室 飄臺瓊闌排
 延我龍軒房 上登虛皇階
 身雖輪世化 魂神无暫滅
 宿福積重業 昔願於今徹
 妙哉虛无慧 真人含真出
 天龍瀨香津 濯我鍊胎質
 妙言將誰信 靈期玄召畢
 道心超三界 混成表元一
 獨悟本无相 放浪大乘逸

上清迴耀飛光日月精華上經